

O Ai e Mulimuli i ai pe a uma Iosefa Samita

A o lei maliu o ia, sa aoao atu e le Perofeta o Iosefa Samita nei mea i le Korama a Aposetolo e Toasefululua:



Uso e, . . . [o] nisi o vaaiga taua ua lata ona faataunuuna. Atonu o le a faasiotia a'u e o'u fili. Ma afai latou te faia, ae lei tuuina atu ia te outou ki ma mana o loo ia te a'u, o le a leilolola i latou mai le lalolagi. Ae tau lava ina ia mafai ona ou manumalo i le tuuina

atu i luga o o outou ulu, ona tuu atu lea o a'u i lima fasioti tagata pe afai ua finagalo i ai le Atua, ma e mafai ona ou alu ma le fiafia ma le lotomalie, i lo'u iloa ua maea la'u galuega, ma faataatiaina le faavae lea o le a faafailleina atu ai le malo o le Atua i leni tisipenisione o le atoaga o taimi.


I luga o tauau o le Toasefululua e tatau ona i ai le tiutetauave o le taitaiga o leni ekalesia mai le taimi nei i luma seia oo ina outou tofia isi e sui ia te outou. (*Aoaoga a Peresitene o le Ekalesia: Iosefa Samita* [2007], 533–34)

Na aoao mai foi Iosefa Samita o le Au Peresitene Sili ua na o le pau lea o le vaega i luga o le Korama a Aposetolo e Toasefululua, ae a maliu le perofeta, e soloia le Au Peresitene Sili (tagai i le Talafaasolopito, 1838–1856 [Pepa o le Talafaasolopito o le Ekalesia], volume B-1, 691, josephsmithpapers.org).

- Mai mea ua e aoaoina, o le a se mea o le a fesoasoani ia te oe e tali atu ai i faamatalaga e tolu na faia muamua?
- O le a le mamanu na faaveina e le Alii mo le faaauauina o le taitaiga o Lana Ekalesia pe a maliu le perofeta?

Ina ua lauga atu Polika Iaga i le Au Paia i se fonotaga tele, e toatele na iloina se aafiaga faavavega ma lagonaina se faamautinoaga o le Agaga Paia.

Na faasoa mai e Peresitene George Q. Cannon (1827–1901), o le sa tautua mulimuli ane i le Au Peresitene Sili:



Ua tulai Polika laga . . . ma saunoa atu i tagata. . . . O ai na i ai i lena aso e le mafai ona faagaloina le lagona na oo ifo i o latou luga! Pe ana faapea na toetu Iosefa mai le oti ma toe saunoa mai ia i latou, atonu o le a le sili atu le tulaga faateia nai lo le tulaga na oo i

ai le toatele na i ai i lena faatasiga. O le leo lava o Iosefa lava ia; ma na le gata o le leo lava o Iosefa na faalogoina; ae na foliga mai i le vaai a tagata faapei o le tagata lava lea o Iosefa lea na tu mai i o latou luma. Matou te lei faalogo lava i se isi mea na tupu e sili atu lona matagofie ma le faavavega nai lo le mea na tupu i lena aso i luma o lena faapotopotoga. Sa tuuina mai e le Alii i Lona nuu se molimau na leai ai se avanoa e masalosalo ai po o ai le tagata na la filifilia e taitaiina i latou. Sa latou vaaia ma faalogoina i o latou lava mata ma taliga, ona oo mai lea o upu na fofogaina, lea na oo mai faatasi ma le mana faatalitonuina o le Atua, i o latou loto, ma na faatumulia i latou i le Agaga ma le olioli tele. Sa i ai le pogisa, ma, atonu foi i nisi o loto, sa i ai le masalosalo ma le le mautonu; ae o leni sa manino mai i tagata uma o le tamalii leni o le na faaeina mai i ai e le Alii le pule na tatau ai, e galue ai i lo latou lotolotoi e suitulaga ia Iosefa" ("Iosefa Samita, le Perofeta," *Juvenile Instructor*, Oke. 1870, 174–75).

O Emily Smith Hoyt, o se tagata o le ekalesia na auai ina ua lauga atu Polika Iaga i le Au Paia, na faamaumuina leni mea:

O manatu faaalua, o foliga vaaia, le faalogo atu i le leo na faate'ia ai lo'u agaga atoa. Na vaaia lava e o'u mata le tino maliufasia o Iosefa. Na lagonaina foi e o'u lima le malulu aisa o le oti i luga o lona muaulu sa mamalu. Na ou iloa ua maliu Iosefa. Ae sa faate'ia soo a'u ma vaai atu i le tulaga e aunoa ma se mafaufau i ai e vaai pe le o Iosefa lena. Ae e leai, o Polika laga lava ma afai e i ai se tasi e na te teena le aiā ma le tatau ia Polika ona faatautaia mataupu mo le Au Paia, e pau le mea ou te fia fai atu ia i latou o leni. Ia maua le agaga o le Atua ma ia iloa mo outou lava. O le a saunia e le Alii mo ana lava" (Emily Smith Hoyt, in Lynne Watkins Jorgensen and BYU Studies Staff, "The Mantle of the Prophet Joseph Passes to Brother Brigham: A Collective Spiritual Witness," *BYU Studies*, vol. 36, no. 4 [1996–97], 164).

- Afai sa e i ai iina, mata na faapefea ona aafia oe i leni mea na tupu?
- E mafai faapea ona fesootea le Moronae 10:5 i mea sa e suesueina?